



BIBLIOTEKA
Zakł. Nar. im. Ossolińskich

XVII 1.424





DISSERTATIO DE COMETA ASTROPHILLI.

Scripta à

ANNE BROSCIO CURZELOVI-
ensi, ordinario Academiae Cracoviensis
Astrologo.

Ex permisso Mag: Dñi Rectoris.



Geni mons
argentini ad Cracoviam.

1.649

CRACOVIAE,

In Officina Andreæ Petricouij, S. R. M. Typ.
Anno Domini, 1649.

1.649

ОТКРЫТИЕ
СОВЕТСКОГО
РОДИЛИ

Библия

Советской Службы Государственных

Чтений в Академии Наук СССР

издание

Советской Типографии Министерства

XVII-1424-II

Советская Библиотека
Советской Академии Наук

0000

Magnifico atq; admodum Reuerendo

D. IACOBO IANI-
DLOVIO, I. V. DOCTORI ET
PROFESSORI, SANCTÆ SEDIS

Apostolicae Protonotario, Vniuersitatis Crac:

Generali Rectori & Procancellario vigi-
lantissimo: Canonico Sandecensi, &c.

Domino & Patrono obseruan-
dissimo.

IOANNES BROSCIUS CVRZELO-
uiensis ordinarius Astrologus.

S. P.

MAGNIFICE RECTOR,

Si laudabile putamus multos numerari
Astrologos, non minus laudabile putan-
dum est, artem à qua isti denominentur,
integerrimè disci ac doceri. Eam verò non ex E-
phemeridibus, aliena industria paratis, petēdam
esse summi artifices iam olim monuerunt. Ioa-
chimus Rheticus, qui à Copernico reuersus Cra-
couiam mathematis illustrauit, nullas in scholis
motuum tabulas, quæ iuuentutem in Geometri-
cis non exercerent, proponendas putabat. Hinc vi-
demus nonnullos Astrologiam profitentes, dum
Planetarum motus explicant, Ephemeridum ta-

bulis insistentes, nomen suum ut cunq; tueri : cum
verò insolitum aliquod phænomenon in sublimi
conspicitur , si se conferant ad eius phænomeni
descriptionem, nihil artis præceptis conuenienter ad-
ferre posse. Nuper conspectus Cometa exemplū
nobis exhibuit, cuius magnitudinem atq; motum
nonnulli euoluere conati, contra Geometriam &
Arithmeticam deliquerunt. Qua de re cum vi-
ri graues Academiæq; amantissimi mecum egis-
sent, persuaserunt ut de his dissertationem con-
scriberem. Affirmabant hæc cum foras prodeunt,
& à cordatis leguntur , Academiæ momenta se-
cum trahere. Quemadmodum enim nos diuer-
sis linguis proditas Cometarum descriptiones ex-
quisiuimus diligentissime, sic alios qui in hoc eru-
dito puluere versantur , exquirere non dubita-
mus. Conscripti igitur hæc , & omnia quæ obijci
posse putarem, examinaui. Tibi autē M A G N I-
F I C E R E C T O R offero , cuius prudentia non
Astrologia solum, verū tota Academia multum
debet. Quod ipsa quidem nunc libens agnoscit ,
agnoscet tamen magis grata posteritas, in multaq;
secula memoriā tui nominis continuabit. Vale.

DISSERTATIO.

Let operam infeliciter Astrophilus, qui
 le Cometa nuper conspecto somnia sua
 prodidit. Somnia enim meritò dici
 possunt, quæ sine obseruatione, sine de-
 monstratione à Mathefin professo proferuntur.
 Talia fortassis à Medicis SOMNIA VIGI-
 LANTIVM nominantur. Tam turpe est Ma-
 thematicum absq; demonstratione quicquam af-
 ferere, quām Iureconsultum sine lege loqui. Hinc
 & Geometræ dum necessaria requirunt; probabi-
 lia non admittunt, & argumentis ab authoritate
 nullis vtuntur. Tam seuera Mathematicorum.
 Logica est, vt si quis numerorum summam rectè
 ex alijs numeris collectam probet, quòd ea ab
 Archimedecollecta sit, rideatur, quamuis Archi-
 medes summus extiterit Mathematicus. Demon-
 stratione opus est, eaq; constanti ac necessaria.
 Hinc ridiculi Geometræ sunt, qui artis suæ con-
 firmationem non à demonstrationibus, sed à iu-
 ramentis petunt. Afferat ergò aliquis Cometam
 nuper conspectum tricies millies maiorem fuisse
 globo terræ; nisi id demonstret, fidem apud Ma-
 thematicos peritos nullam inueniet. Imperitis
 imponere facile est. Atqui si omitramus Mathe-
 maticorum demonstrationes, estnē possibile Co-
 metam ab exhalationibus terræ tātum effici pos-
 se? Tolerabilior fuisse assertio, si fieri Come-

ram ex cælesti materia asseruisset, quod iam olim
multi senserunt; non ita pridem Tycho aliisque
plurimi. Quia verò Astrophilus Aristotelem se-
quitur in Cometæ materia & causis efficientibus,
quomodo terra tantum exhalationum produce-
re potuit, vt sufficerent magnitudini tricies mil-
lies terræ globo maiori conficiendæ. Veniat Al-
cumista vel Paracelsi ingenio, & terram exco-
quat in exhalationes, nunquam adeò stupendam
quantitatem conficiet. Si conficeret, ne hoc qui-
dem spaciū quod perspicimus à superficie ter-
ræ ad Lunæ sphærām, capiendæ tantæ moli suf-
ficeret. Hoc vt demonstremus, ex Ptolemæo &
Copernico distantiam Lunæ minimam assume-
mus. Demonstrationem assumpti si quis requi-
rit, petat ex Ptolemæi magna syntaxi, vel Co-
pernici reuolutionibus.

Copernicus libro 1. Reuolutionum, Cap: 10.

CVm 38. sint eius quæ à centro terre ad superficiem
vſq; ad proximam Lunam secundūm Ptolemæum:
sed secundūm veriorem estimationem plusquam 52. (vt
infra patebit) nihil tamen aliud in tanto ſpatio nouimus
contineri, quam àerem, & ſi placet etiam quod igneum vo-
cant elementum.

C A P V T I.

VIdeamus iam, potueritnē Cometa adeò va-
ſtus comprehendi iſto ſpacio, quod oculus
noſter perſpicit vſq; ad Lunam. Longitudinem
ſpacij

spacij iam à Ptolemæo & Copernico expressam habemus. Quod diuersa ab hoc & illo notetur, non debet videri mirum. Dies diem docet. Et utramuis sumpseris, non sufficiet tam portentoso Cometæ. Terra ad Cometam ex Astrophili sententia est, vt 1 ad 30000. Quia verò sphæræ habent triplicatam rationem diametrorum, Diameter terræ ad diametrum Cometæ erit vt 1 ad 31 ^{722.} _{10000.} Continebit ergò diameter Cometæ, terræ semidiametros 62. Lunæ autem perigeæ distantia continet paulò plus quam 52. Maior igitur diameter Cometæ, semidiametro sphæræ elementaris. Quo pacto autem à visu comprehendi poterat? Optici docent, interq; eos Albertus Durerus, ut obiectum commodè videatur, sufficere angulum qui continet duas tertias recti. At Cometa adeò vastus, in elementarij; regione positus, nullam ab oculo remotionem habuisset. Quod obseruationibus repugnat. Si partem Cometæ collocat in sphæra elementari, partem in sphæra Lunæ, Aristoteli, quem secutus est in causis procreantibus Cometam, contrarius est. Quid verò coma? An solidam putat fuisse? Stellæ certè fixæ per illam transparebant.

C A P V T II.

Etiam si quorundam Peripateticorum sequatur opinionem de elementorum proportione, tam stupenda magnitudo confici non posset.

Peri-

Peripatetici quidam statuunt decuplam elementorum proportionem, indeq; magnitudinem eorum colligunt magna Geometriæ ignorantia. Aiunt aquam terræ decuplam esse, àerem aquæ decuplum, ignemq; àeris. Detorquent ad id probandum locum quandam Aristotelis, sed perperam, ut infra videbimus. Quamuis enim Aristoteles affirmet ex vno terræ pugillo fieri posse decem pugillos aquæ, an inde sequitur aquam terræ decuplam esse?

Sit verò Terra 1. Aqua erit ex hypothesi 10. Aër 100. Ignis 1000. Quo pacto autem magnitudo aquæ, aëris, & terræ 111 ab igne 1000 non conflagrabit? Mirum est rerum naturam sub ea elementorum proportione integrum conseruari. Nobis verò ad ista miracula configere nulla necessitas est. Copernicus libro Revolutionum primo, demonstrauit Geometricè aquam ne septuplam quidem esse posse terræ, quin tota terra aquis immergatur, centrumq; petat, locum supremum aquis levioribus relinquens. *Vide Copernicuum libro 1. capite 3.* At ne nimis parci simus, demus Astrophilo hoc iniquum postulatum: videamus tamen, an tam vasta magnitudo Cometæ ex elementis sub ea proportione constitutis cōfici possit. Vtq; nos liberales agnoscat, demus illi, globum istum ex terra & aquis compositum ex sola terra compactum esse, aquam verò huius decuplam esse, &c. Demus totam elementarem sphæram non modo in exhalationes, verum in ignem ipsum conuerti sub ea proportione Peripateticorum.

rum. Dico tantam molem confici non posse.

Sit enim terra 1. Aqua 10. Aër 100. Ignis 1000:
Ex hypothesi quorundam Peripateticorum, Ter-
ra 1 in Aquam resoluta fiet 10 cui si addamus an-
tiquam aquam 10, tota fiet 20 deperdeturq; tota
terra. Hæc aqua resoluta in aërem fiet 200 cui
alius aér adiunctus componet 300. Hic aér in-
signem resolutus fiet 3000 cui ignis 1000 adiun-
ctus, componet 4000. Esset igitur magnitudo to-
tius sphæræ elementaris iuxta quorundam Peri-
pateticorum opinionem resoluta in ignem, mul-
tis vicibus inferior magnitudine Cometæ 30000.
Quod demonstrandum fuit.

C A P V T III.

NE verò plus quam oportet huic proportioni
elementorum fidas Astrophile, age excutia-
mus eam adhuc, primumq; magnitudinem sphæræ
elementaris, quæ consequitur decuplam pro-
portionem elementorum, inquiramus. Ponamus
verò ut supra terram solam tantam esse, quantam
eam vñā cum aquis obseruationes euincunt, idq;
propterea ne quid diminutum ex magnitudine
elementorum putes.

Sit globus terræ 1, Globus ex magnitudini-
bus Terræ 1 Aquæ 10 Aëris 100 Ignis 1000 com-
pactus erit 1111 ex hypothesi. Itaq; diameter to-
tius sphæræ elementaris continebit earum partiū
10 ^{357.} _{1000.} qualium est vna terræ diameter. Non po-
terat igitur tuus Cometa sphæra elementari quo-
rundam

rundam Peripateticorum comprehendit.

Quod si terram hanc quam calcamus, aquas per quas nauigamus, ita in globum dicas esse coactas, ut terra quidem vnam, aqua verò decem partes eius spacij globoi occupet, cuius circulū maximum seu ambitum 5400 milliaribus Germanicis definiunt Mathematici, in multa absurda incurras oportet. Primò, terra supernabit, & ab aquis sustinebitur. Deinde, terra non erit in centro eius globi, quem vnā cum aquis efficit, ut probant Mathematici. Quod rerum natura non videtur admittere. Tandem sphæram elementarem in arctum ita coges, ut multo angustior sit futura ea, quam calculus superior monstruerat. Hoc iam nos discussimus ante triennium in illa positione,

In globo ex terra & aquis composito, plus est terrae quam aquae.

Geometricasque demonstrationes ad eam firmandam multas habemus. Physicas probabilitates vide apud Iulium Cæsarem Scaligerum Exercitatione 38. ad Cardanū. Aliquas recensebo.

1. Sub omni aqua terram subesse necesse est, non autem sub omni terra aquam. Aquæ profunditas non multa. Nempe raro passus excedit 80. plurimis locis non accedit ad vicenos. haud paucis feros explet, paucissimis ad centenos accedit, paucioribus hunc superat numerum.

2. Terræ profunditas à superficie ad centrum millari-

milliarium 860. ferè Germanicorum. Aquæ nusquam tanta. Circa litora Noruegiæ si bene memini, magnam esse aquarum profunditatem obseruauerunt nautæ : sed ibi tantum. Si conferas cum ea profunditate montes altissimos, qui magnam aëris partem occuparunt, profunditas hæc quamvis maxima sit, parua tamen videbitur.

3. Tanta terra est, vt & suum obtineat locum, & aquæ, atq; aëris locorum haud paruam partem, quas illa partes opificis immensi nutu occupauit, vt secum à fundamento seipsum continuaret; aëris verò vt esset vbi commodè viueretur. Plura vide loco supra citato apud Scaligerum.

C A P V T I V .

IAmné vides Astrophile, si ad proportionem istam Peripateticorum, quam illi magnitudinibus elementorum applicarunt, confugias, à numeris & mensura nullum tibi fore præsidium? Vis adhuc experiri num tibi pondus aliquid adiumenti præstare possit? Cur enim si ex vno terræ pugillo fiunt aquæ decem, vnius terræ pugilli grauitas, grauitatem decem pugillorum aquæ nō æquet? Ego certè ne quid intentatum relinqurem hac in parte, ad isorrhopicam regulam confugi, & primò terram, deinde aquam æqualis capacitatis ad sacoma appendi. Prius autem ad eam rem conficiendam problema tale conceperam, excitatus ad istas meditationes à Clarissimo Domino Andrea Wolffovicz, Medico & Mathematico doctissimo.

Sit A vas, eiusq; pondus B. Sit terra C. quæ implet capacitatem vasis A, pondusque terræ D. Terra autem sit exsiccata. Quoniam verò puluisculi terræ locum non complent, fit ut aër latens inter puluisculos, demat aliquid capacitati. Itaq; ut hoc evitetur, infundatur certa quantitas aquæ E ponderis F inter puluisculos terræ, rursusque pondus D auctum pondere F ad libram examinetur. Iam nunc eiecta terra humida ex A, impletatur A aqua pura, eiusq; pondus accipiatur, sitq; G. Pondus igitur G æqualem locum occupat loco ponderis D + F. Quia verò F & G sunt Homogenea, subtrahatur vtrinq; F, fietq; capacitas G - F æqua capacitati D. Notum autem est pondus omnium. Ergò ratio ponderis terræ ad pondus aquæ nota est.

Quod verò puluisculi locum solidum non compleant, patet inde, quia sunt vel inordinata corpora, vel si ordinata sunt, ex eorum tamen genere quæ locum non complent, ut sunt Dodecahedrum, Icosahedrum, Sphæra. Tria verò tantum sunt ordinata quæ locum complent, Tetrahedra 12. Cubi 8. Octahedra 9.

Huius problematis beneficio experimentum feci in villa Polaiovvice, liberaliter acceptus hospitio Generosi D. Valentini Raczkovvski.

Accepi vas vitreum cylindri forma, cuius pondus erat vnciarum 10 $\frac{5}{16}$. Impleui illud arena. Pondus vasis & arenæ librarum 4 vnciarum $\frac{7}{16}$. Hinc detraxi pondus vasis, & remansit

pondus arenæ librarum 3. vnciarum 4 $\frac{1}{4}$. Accepit deinde lagenam ponderis vnius libræ & vnciarum 3. Infudi aquam, eratq; pondus lagenæ & aquæ librarum 3. Quia verò arenulæ vasis primi non complebant locum solidum, ideo expulsi aërem infusione aquæ ex lagenæ mansitq; lagenæ cum aqua residua pondus librarum 2 & vnciarum 6 $\frac{1}{2}$. Ergo aqua ponderis vnciarum 5 $\frac{1}{2}$ compleuit locum aëris intercepti inter arenulas.

Pondus vasis, arenularum, & aquæ in locū intercepti aëris infusæ, erat librarum 4 & vnciarum 7 $\frac{15}{16}$. Eieci deinde arenulas aqua madidas ex vase, impleuiq; aqua, & in lagenam ponderis vnius libræ & trium vnciarum infudi aquam capacitate vasis primi. Erat pondus librarum 3. vnciarum 7 $\frac{1}{2}$. Dempsi inde pondus lagenæ libræ 1 vnciarum 3 mansit pondus aquæ librarum 2 vnciarum 4 $\frac{1}{2}$ capacitate tanta, quantam antea aqua vnciarum 5 $\frac{1}{2}$ & terra librarum 3 vnciarum 4 $\frac{1}{4}$ explebant. A pondere aquæ librarum 2 vnciarum 4 $\frac{1}{2}$ dempsi vncias 5 $\frac{1}{2}$ mansit libra 1 vncia 11. Est igitur proportio ponderis arenularum ad pondus aquæ eadem capacitate, ut librarum 3 vnciarum 4 $\frac{1}{4}$ ad libram 1 vnci-

xvncias ii. vel vt 161 ad 92. His enim numeris idē significantibus, ea ratio commodiūs exprimetur. Quia verò eadem vtriusq; ponderis capacitas est, decuplum ponderis aquæ sumatur 920. Hoc debebat æquari ponderi terræ 161. si ex uno pugillo terræ fiunt aquæ 10. Cùm verò non æquetur, manifestum est hanc proportionem nullo modo consistere posse etiam in staticis experimentis. Quod fuit demonstrandum.

C A P V T . V .

Quæ contra hoc experimentum obijci possint.

POtest verò obijci, terræ partes diuersas non eiusdem grauitatis esse. Nam marmor quia est densius, superat grauitatem vulgarem lapidem. Imò & metalla variant in grauitate. Si enim magnitudines æqualis capacitatis ex diuersis metallis fiant, aurum quidem grauiſſimum, leuius hydrargirum reperiemus. Succedent deinde plumbum, Argentum, Æs, Ferrum, Stannum. Celebris est Archimedis illa inuentio, qua Heroni regi demonstrauerat, quantūm argenti auro admiscisset in coronā regiā fraus aurifabri. Quod verò dictum est de diuersis terræ partibus, idem dici potest de varijs aquis. Fontana, fluualis, puteana, pluua grauitate differunt: idq; iam olim monuit Hippocrates in libello de aere, aquis & locis inquiens: *Quicunq; artem medicam integrè adsequi velit, primūm quidem temporum anni rationem habere de-*

bere debet, &c. Neq; verò negligentiores se circa aquarum facultates cognoscendas exhibere conuenit. Quemadmodum enim gustu differunt & pondere ac statione; sic quog; virtute aliae alijs longè præstant. Neq; dubium est antiquos, ea in re perquirienda diligentissimos fuisse. Et hæc fortassis causa est varietatis cereuisiarum per nostram Poloniæ aliasque regiones, qnæ tali potu sitim explent. Sed de hoc alias, nūc verò quia eo deducti sumus iucundissima contemplatione, placet locum notabilem producere ex Idiotæ & Oratoris Dialogo, quem scripsit Nicolaus Cusanus Cardinalis, Philosophus & Mathematicus doctissimus.

IDIOTA. Ego per pondatum differentiam arbitror ad rerum secreta verius pertinigi, & multa sciri posse verisimiliori cœiectura.

ORATOR. Optime ait. Sic enim Propheta quidam ait: Pondus & statu iudicium Domini illius esse, qui omnia creauit in numero, pondere, & mensura, & fontes aquarum librauit, & mollem terræ appendit, ut Sapiens scribit.

IDIOTA. Si igitur mensura aquæ vnius fontis non est eiusdem ponderis alteri, cuius est similis mensura alterius: iudicium diuersitatæ naturæ vnius & alterius, melius statera quam alio attingitur instrumento.

ORATOR. Probè ait. admonet Vitruvius de architectura scribens, locum habitacionis eligendum, habentem leuiores & magis aëreas aquas, & graues, atq; terreas habentem, declinandum.

IDIOTA. Sicut igitur eiusdem fontis aquæ videntur eiusdem ponderis & naturæ: sic diuersorum diuersi ponderis.

ORATOR. Videntur ait, quasi aliud sit in veritate.

IDIOTA. Fato ex tempore pondus variari: licet aliquando imperceptibiliter. Nam indubie aliud est pondus aquæ vno tempore:



aliud alio. Sic & aliud pondus aquæ circa fontem, aliud
in distantia à fonte; sed hæ differentiæ vix perceptibiles
pro nullis habentur. ORATOR. Arbitrari sic in om-
nibus esse: vii dixisti in aqua. IDIOTA. Arbitror certè,
nam nequaquam est eiusdem ponderis identitas magnitudi-
nis quorumcunq; diuersorum. Vnde cùm aliud sit pondus
sanguinis, & vrinæ hominis sani & infirmi, iuuenis & se-
nis, Alemanni & Afri, nonné maximè conferet medico ha-
bere has omnes differentias annotatas. ORATOR. Ma-
xime certè, immo per pondera consignata se quis admirab-
ilem constitueret. IDIOTA. Arbitror enim medicum
verius iudicium ex pondere vrinæ, pariter & colore simul,
facere posse: quàm ex fallaci colore. ORATOR. Cer-
tissimè. IDIOTA. Sic etiam cùm herbarum radices,
stirpes, folia, fructus, semina, & succus, suum habeant pon-
dus, si omnium herbarum pondera signata essent cum vari-
etate locorum, naturam omnium medicus attingeret meli-
us in pondere & sapore quàm fallaci gustu. ORATOR.
Optimè dicas. IDIOTA. Sciret deinde ex collatione
ponderum, herbarum, ad pondus sanguinis vel vrinæ, do-
sim applicationis ex concordantia & differentia medicamini
attingere, & prognostica admiranda facere: & sic sta-
tutis experimentis ad omne scibile præcisiōri conjectura ac-
cederet. Idem dialogus sub personis Philosophi
& Mechanici propositus est ad finem Vitruuij e-
ditionis Argentoratenfis anni 1550. Bodinus in
suo naturæ theatro, pondus terræ & aquæ alijs ex-
pressit numeris. Terræ ad aquam maris eam ra-
tionem ponit quæ est 92 ad 90. Terræ ad aquam
dulcem ut 92 ad 74. Terræ ad salem ut 92 ad 106.
Paulus quoq; Merula in Cosmographia scribit,

Iacobum

Iacobum Dondum Medicum, eundemq; Horologij Patauini artificiosissimi inuentorem, ex Aquarium Aponi mille libris salis candidissimi libram effici absq; maiore coctione, edito libro docuisse anuo 1340. Eaç; causa structas ibi ædes nouas, vbi lacuna parua & cæteris magis salsa est Carrauensium beneficio. Multò liberaliores sunt aquæ Vielicienses. Ex his omnibus clarum habemus, quænam contra experimentum superiùs obiecti possint.

C A P V T VI.

Solutio obiectorum.

Verùm ad hæc omnia respondebit Galenus libro i. de elementis: vbi grauiissimis rationibus probat elementa non dari pura. *Cur vis tu (inquit) in animalium corporibus reperire terram exempli gratia imperficiam & puram, quum ne in uniuerso quidem eiusmodi à te ostendi queat?* Quamcumq; enim particulam eius acceperis, ea statim erit alicuius caloris humorisq;, & aëriæ substantiae particeps: quum tamen ea terra, quam opinamur esse elementum, sit quam maxime densa grauisq;, ac præterea frigida & sicca. Moxq; Postea subiungit. *Ne igitur amplius imperfictum quicquam exquiras in animalium corporibus, quandoquidem nec in ipso orbe id reperies adulterio carens.* Hoc idem repetit libro i. de simplicium medicamentorum facultatibus. *Quod verò ne ignis quidem à permissione liber sit, patet ex eo cùm dicit (libro i. de elementis) calore summo accedente ad ma-*

teriam, constitui ignem. Porro (inquit) quod sumus calor igne simplicior sit, quodq; illo accedente ad materiam ignis gignatur, pro confessu ab omnibus habetur Philosophis. Itaq; à radijs Solaribus sæpè ignis accenditur, quod Galenus quoq; refert libro 3 de temperamentis. Constat (inquit) olim in Mysia domum integrum conflagrassè ex solo stercore columbino, quod ab ardenti Sole inflammatum, fenestræ proximæ suum communicauit incendium. Qua ratione etiam aiunt Archimedem hostium triremes vrentibus speculis incendiisse. Hæc Galenus. Cùm igitur manifestum sit, nullum clementum haberi purum, propter permissionem aliorum: permisio autem illa varios gradus recipiat: non est mirum variari pondus terræ vel aquæ in diuersis locis. Idem de metallis dicendum. Vnde autem Peripatetici terram puram, aquam puram sumpserunt? Quod verò attinet ad cocturam salis, aqua salsa cùm excoquitur, propter vehementiam ignis admoti humorem amittit, manetq; sal, expulso humore, grauitate sua subsidens. Non igitur aqua in solum salem conuertitur, verùm magna eius pars exhalat in aërem. Quod si aquam synceram velis conferre ad varia terræ genera, artificio chymico destillatam adhibeto: præcipue verò secundum illum modum, quem illi voce technica balneum Mariæ vocant. Ita enim defæcatissima fiet. Villebrordus Snellius in Erathosteni Batauo sic mensuras, quibus terram accuratè dimensus est, expressit. Ac licet sic defæcatam adhibueris, ratio decupla non consistet.

C A R V T

C A P V T VII.

Quòd contra mentem Aristotelis nonnulli Peripatetici eam proportionem excogitārint.

Reliquum est videre, sitne eadem Aristotelis sententia. In omnibus eius operibus nulla extant istius decupla proportionis vestigia. Quod verò ex secundo libro de generatione & corruptione ad suam opinionem firmandam locum quendam detorquent, an id faciant rationi congruenter consideremus. Sic autem Aristoteles contra Empedoclem disputans loquitur : Mirabitur autem aliquis, quonam modo iij qui plura uno initia & quasi elementa corporum ponunt, ita tamen ut eorum inter se mutationem ullam fieri negent, id quod Empedocli placet, corpora inter se posse comparari possint dicere. Atquis hoc ipse afferit: hæc enim paria sunt omnia. Ac si quantitas eorum comparetur, necesse erit aliquid idem esse in omnibus quæ possint comparari, quod ea dimittetur. Ut si ex aquæ sextario decem aëris fiant, idem certè erat utrumq; si eadem eis mensura adhibeatur.

Hic Aristoteles non loquitur de magnitudinibus elementorum in proportione decupla, verum de transmutatione ; monstratq; exemplo ficto declarandi causa, quam rationem habere possit unus aquæ sextarius ad decem aëris. Quod verò fictum exemplum sit, patet ex illo : Ut si : In Græco contextu sic est : οὐτε εἴδεται Θεοτύλης εἰν κοτύλαις ἀρθρόνται. Peripatetici igitur quicquam incepte Aristotelis locū interpretati sunt,

eundem vi ad suam opinionem pertrahentes, extra Lyceum ambulationes suas protulerunt, ut propterea non sint amplius dicendi Peripatetici. Et in cælum nonnulli ista decupla progressionē euagati sunt. Ioannes Lanspergius disputans de immensitate mundi ex decupla proportione, affirmat quodlibet corpus superius in ordine elementorum & cælorum decuplo maius esse quam inferius. Ponamus (inquit) terram, quæ infimum locum obtinet, non nisi unius milliaris habere magnitudinem, inde sequetur Aërem esse 10. Aquam 100. Ignem 1000. Lunam 10000. Mercurium 100000. Venerem 1000000. rationemq; continuat usq; ad empyreum cælū, quam tamen non rectè per myriades exprimit à Sole. Quæ magnitudinum explicatio Geometriæ contraria est. Sicq; videmus Theologos à Peripateticis deceptos esse per istam decuplam proportionem. Conueniens autem est, ut quemadmodum Deus omnia creauit in numero, pondere, & mensura: sic illi quoque de operibus Dei disputatione, numero, ponderis, & mensuræ conuenienter. Et Philosophi dum rerum naturam exquirunt, scire debent se operum Dei interpres esse. Natura enim est ordinaria Dei potestas. Atq; eo magis conuenit illos numerum, pondus & mensuram in omnibus obseruare.

C A P V T VIII.

Excutiuntur adhuc nonnulla.

His iam puto viam esse præclusam Astrophilo, si velit ad Peripateticos confugere. Si adhuc

ad huc in mistis corporibus plus esse humorum
quam terræ contendat, propterea quod ingens
lignorum strues in pauculum cinerem, qui terræ
analogus est, resoluatur: frustra contendet. Ignis
enim cum depascitur ligna, absunit multas par-
tes terreas, cineremque residuum flammæ impetu
foras protrudit, ut exiguum illius partem pro-
pterea relinquat. Non igitur omnes terreæ par-
tes in residuo cinere remanserunt: alioquin solus
humor esset alimentum ignis, cum tamen ignis
contrarius sit, nimiusque cum extinguat. Et quam-
vis in quibusdam mistis corporibus aquæ plus sit
quam terræ, an inde concludi poterit magnitudo
elementorum? Frustra igitur has obiectiones ad-
ducunt Peripatetici. Quæ sicca sunt & terrea,
absque ullo humore, comburit ignis audissimè. Ex-
emplum habemus in puluere pyrio, qui ubi
flammam conceperit, subito extensionem loci
quærens, magna vi & fragore ex bombardarum
fistulis erupit. Non igitur audiendus est mechanici-
cus Cusani, inquiens: Ponderato ligno & illo exusto
cineribus ponderatis, scitur quantum aquæ fuit in ligno.
Solum enim aqua & terra pondus graue habent. Constat
namque partes terreas propter siccitatem absumi.

C A P V T I X.

Sed iam de ijs, quæ pro confirmando tui Co-
metæ magnitudine adduci poterant, Astro-
phile, satis dictum puto, neque plura fortasse re-
quiris. Reliqua iam videamus. Ais à te vistum
Cometam primò die 21 Nouembris. Vellem de-
finiuif-

finiuisses longitudinem eius atq; latitudinem, vel (ne ista artis vocabula ad comæ extensionem trahas) clarius dicam, distantiam ab æquinoctiali onalibus sectionibus, remotionemq; ab Ecliptica, ut stellarum loca definiunt Astrologi. Sic enim colligeremus, an designatio loci Cometæ per te facta conueniret reliquo ipsius cursui. Scire enim te conuehit, motum Cometæ fuisse per maximum circulum, qui secabat medium Dodicatemorij Scorpionis. Mouebatur autem Cometa à principio tribus gradibus ferè intra 24 horas. Si igitur Cometa visus est à te die 21 Novembris, Sol quidem proximus fuit circulo Cometæ. Erat enim tunc in 29 Scorpij. Cometa autem secundum motus Analogiam fuisset in rictu Lupi seu feræ quam tenet Centaurus; exortusque vix octo gradibus attolleretur supra nostrū Horizontem, conspici tamen nullo modo posset, quod rictus Lupi supra Horizontem tunc Sole lucente mouebatur. Vides igitur in quas angustias dies iste 21 te coniecerit. Mirum verò est famā, qua nil velocius, tunc quieuisse. $\alpha\lambda\omega\varsigma$ circa Lunam vel Solem plebem rerum naturæ ignaram commouet, Cometa tunc conspectus non commouisset? An vigiles nocturni in turribus, & pastores in campis ex Pythagoræa schola silentij fuerunt? Quid verò dices ad consensum Mathematicorum per diuersa loca? Dantisci, Torunij, Stargardiaæ in Pomerania, Louanijs, Cracouiæ 29 Nouembris primum conspectus. Petri Crugeri

Mathes.

Mathematici Dantiscani, Davidis Herlicij scripta puto te vidisse. Sunt enim etiam idiomate Polonico publicata. Observationses Torunij factas transmisit ad me doctissimus Dominus Adamus Freitagius, quas si videre cupis ostendam. Libertum Fromondum Philosophum Louaniensem de isto Cometa disputantem, si forte non legisti, ex eo tibi producam locum. Sic autem inquit:

Cometa noster quantulum sciuerim, Louanij in altitudine poli 50 graduum, & totidem minutorum die 29 Novembris anni 1618. est primum visus: sed non a me. 27 tamen Nouembris vidisse se dicunt vicini Hollandi, in maiori licet eleuatione poli. Et potuerunt homines aquatici & quibus

— torta cannabe fulto

Cœna & nox est in transro.

Nobis mediterraneis arbores, ædificia, montes, & maxime omnium somnus eripiunt cælum. Die 30 Nouemb. bene mane calide ad spectaculum euolaui: & inspexi, &c. Hæc Fromondus. In eodem libello vide Thomæ Feni locum, in quo refutat alios, affirmantes Cometam etiam à Septembri atq; Octobri visum fuisse, ubi mox addit: Ad nostram hic Louanij noticiam non venit eius apparitio, nisi circa principium Decembris. Et in Italia cognoui 27 Nouembris primum conspectum. Apud nos vsq; ad 29 Nouembr. omnes à Nouilunio præcedenti dies nubilosí fuerunt. Illud certè me commouerat, quod mihi ab Illustrissimo Domino, D. IANUSSIO Duce de Ostrog, Castellano Cracoviensi, Domino & Patrone meo, nunciatum fuerat, visum hunc Cometam

metam fuisse ante festum S. Andreæ sex septimanais, in eamq; rem acriter inquisiui. Tandem tamen conclusi aliud spectaculum illud fuisse: vel Martem, qui tum Solem præcedebat propter interiectas exhalationes & vapores, quibus tunc Autumnus feruebat, solito maiorem conspectū. Quod à me quoque non semel obseruatum est, cùm è Prussia redirem.

C A P V T X.

Addis Astrophile, extinctum esse Cometam in nostro Zenith, vel sub terra, quæ manifesta contradic̄tio est. Stellæ quæ nobis verticales sunt, non possunt sub nostrum Horizontem delabi. Dum igitur hoc affirmas, nihil certum, nihil Astrologiæ conueniens affirmas. Circa Solstictium Hybernum, parallelo Moschouiae incubuit, quo pacto igitur ad nostrum Zenith reuersus est ibiq; extinctus? Atqui à Moschouiae parallelo versus polum digressus, motu tardissimo decrevit ad minimam quantitatem, visusq; fuit veluti fixus. Multis diebus perpetuæ apparitionis fuit, non poterat igitur occidere, atque adeò sub terra extingui.

Quæ de motu ipsius affirmas, admiratus sum, obseruationi nullo prorsus modo conuenire. Ais velociorem fuisse in fine suæ apparitionis. At à principio tres ferè gradus conficiebat, sub finem lentius progrediebatur. An quia signa velocius mutabat, motus velocitatem infers? Quid si in circulo maximo per polos Zodiaci transiente moue-

te moueretur? Tunc equidem ex gradu Zodiaci
in aliud gradum non transiret, fixum ergo puta-
res? Quod signa velocius mutauerit, non ipsius
velocitati imputandum, verum quia dodecate-
moria seu partes duodecimæ cœli, versus polos
Zodiaci contractiores sunt. Vide tertiam acce-
ptionem signi apud Ioannem de Sacro Bosco.
Velocitatem aut tarditatem Cometæ nos accipi-
mus ex segmento circuli maximi, quo promoue-
tur intra 24 horas. Possem tibi talem situm in
sphæra demonstrare, in quo progressus Cometa
tribus maximi circuli gradibus signum mutaret.
Sed ista percipies ex sphæricis institutionibus.
Quæ igitur de motu Cometæ scripsisti, tam inter
se cohærent, quam illa in vestibulo Phœnome-
na: in quibus designandis malum artificem na-
ctus es. Verum ille, ut ego puto, malum exem-
plar secutus, porcum exhibuit pro vrsa maiore.

C A P V T XI.

HÆc igitur Astrophile sunt, quæ ex tuo scri-
pto selegi examinanda. Plura sunt, verum
in ijs immorari superuacaneum putauit. Dices
forte à me propositas errorum refutationes, quæ
inscientiam tantum dedocent, non docent sci-
entiam: verum est quod respondeam: idque ex
Galen. Prius (inquit ille libro 1. de simplicium
medicam: facultatibus) delendi sunt dispungendiq;
omnes paralogismi à discentium animis, quam vera disciplina imbuantur. Nam quemadmodum corpora impura
quanti magis nutries, tantò magis lades: sic quoq; si impu-

*trū animis nutrientes sermones offeras, non modò nihil præ-
fis, verū etiam magnopere obfueris. Impuros verò a-
nimis Galenus hoc loco vocat eos, qui opinio-
nibus falsis, nulla demonstratione firmatis, præ-
occupati sunt. Et ni fallor, facilem te dabis me-
is hisce argumentis. Iam enim in altera editione
video tuum Cometam dedolatum ac circumci-
sum. Quem antea affirmasti tricies millies terra
maiorem, eundem nunc terræ æqualem statuis.
De hoc tecum non disputabo; distantiam tamen
15 milliarium nimis exiguum ponis. Si tantus
Cometa tanta distantia remoueretur, à visu non
posset comprehendendi. Si enim fiat ut 15 ad semi-
diametrum 860. ferè, sic totus sinus 100000. ad
quartum, reperietur 5733333. tangens 89 graduum.
Arcus iste duplicatus efficit gradus 178. quibus
angulus visionis comprehendenderetur. Dixeram
autem supra ex Alberto Durero, ad perfectam
obiecti comprehensionem requiri duas tertias re-
cti, hoc est 60 gradus. Si te popularis demonstra-
tio magis delectat, afferam. Conscende mecum
altissimam Cracoviæ turrim. Vides ecce Carpa-
thum, vides Tatros montes. Tantanè magnitu-
dine visus Cometa, quanta vides montes com-
prehendi? At hi montes quos tibi ostendo, 15 fe-
rè milliaribus distant. Istam igitur montium mo-
lem æqualem putas globo terræ? partem toti?
Non hæc dico quod Cometam putem æqualem
esse magnitudini istorum montium, verū in-
telligo apparentiam magnitudinis. Sic Solem
æqualem ferè videmus Lunæ, cùm tamen multis
vicibus*

vicibus Sol Lunam excedat. Id verò sit ob inae-
qualem remotionem, ut audiuisti in Opticis. A-
liud igitur existima apparere æquale, aliud esse
æquale. Illa apparent æqualia, quæ sub æquali
angulo videntur. Finge igitur ipsum. Cometæ
corpus esse circa extremum montem versus or-
tum, comam verò extendi ad extremum monte
versus occasum. Iam ipse oculorum sensus argu-
it, tanta magnitudine Cometæ non fuisse visum.
Distantiam ergò falsam posuisti. Sed iam descen-
damus è turri Astrophile, & quia defatigati su-
mus deambulando cum Peripateticis vasto gradu
extra Lyceum procurrentibus, age sedeamus in
Academia, quæ vt scis, nihil affirmat in vtramq;
partem disputans.


C A P V T XII.

I Am nunc Astrophile in istis Academiæ spacijs
audi nonnulla ex ijs, quæ non ita pridem ad Il-
lustrissimum & Reuerendissimum Dominum
LAURENTIVM GEBICKI, Atchiepiscopum
Gnesnensem, &c. Dominum meum ac Mecæna-
tem munificentissimum, scripsoram. Cogita au-
tem me hic disputantem nulli sectæ Philosophi-
æ addictum esse, quod Galeno pater persuaserat.
Cogita aliud esse insistendo scholarum opinioni-
bus disputare, aliud duce Geometria philoso-
phari: illudque Platonis epigramma, vestibulo
Academiæ inscriptum intuere. Σδεῖς αγεωμέτρη-
τος. Nullus Geometriæ expers accedito.
Audi igitur. In descriptione Cometæ Calenda-

rio annexa , secutus sum opinionem Aristotelis
in modo generationis Cometæ , & loco , propter
graues causas . Neq; temerè discedendum puto
ab eius sententia . Quæ tamen obseruationibus
innixa , Geometricæ demonstrationes nobis ostē-
dunt , ea proponere aliquod fuerit operæ precium .
Certò constat Cometam istum arsisse supra eam
regionem , in qua nubes & omnia meteora con-
spiciuntur . Cum ijs enim stellis oriebatur , cum
quibus versus medium cœli ascendebat . Hoc au-
tem non accideret , si intra spacium aëris mutati-
oni rerum destinati conspiceretur . Posidonius
Philosophus Geometriæ & Arithmeticæ alis sub-
nixus , primus demonstrauit intra 400 stadiorum
altitudinem , nubila , ventos , nubesq; prouenire .
Magnum fuit hoc initio tentauisse . In eius sen-
tentiam veniunt , Alhazen , Vitellio , Optici ce-
lebres , alijsq; authores , cùm eam regionem non
extendunt ultra 13 millaria Germanica . Vnus
Christophorus Rothmanus in epistolis ad Tycho
nem extendit ad 20 millaria Germanica , verū
à Tychone refutatur . Atqui etiamsi Cometam
nuper conspectum remoueamus , non modò 20
verū etiam 400 milliaribus Germanicis sensi-
bilis esset parallaxis .

Sit enim A B O terra , eiusq; centrum E sit
CD circulus , in cuius peripheria Cometa moue-
tur , remotus à superficie terræ 400 Germanicis
milliaribus ex hypothesi . Sit B oculus obserua-
toris in superficie terræ . D locus Cometæ cùm
exoritur . BE semidiameter terræ 860. milliat-
Germ.

Germ: atq; tanta est E O, cui si adiungatur O D
distantia Cometæ à superficie terræ, tota D E fiet
1260 milliarum Germanicorum.



Angulus quoq; D B E rectus datur. Inquirendus
est ex his angulus B D E qui definit parallaxim,
hoc est diuersitatem aspectus. Si igitur fiat, vt
B E 860 milliar: Germ: ad E D 1260. sic B E si-
nus totus 100000 ad quartum : facta operatione
prodibit 146511 secans anguli B E D graduum 46
& scrup: 57. quorum ad quadrantem complemen-
tum grad: 43 3/4 ostendit parallaxim. Cometa
igitur

igitur visus in exortu, distaret 43 gradibus ab ea
stella, ad quam prope medium cæli accederet.
At hoc repugnat obseruationibus.

Cùm Vieliciæ serena nocte cum multis vi-
ris grauissimis spectarem Cometam, prope Cegi-
num accesserat. cum Cegino strinxit Horizontem,
cum eodemq; Cegino sursum ascendebat ad Me-
ridianum, absq; vlla euidente parallaxi. Multas
demonstrationes Geometricè conceptas habe-
mus ad id demonstrandum, quas hoc loco non
referam Astrophile, ne te videar obruere. Dista-
bat ergo plus quam 400 milliaribus. Atqui re-
moue Cometam 4000 milliar: Germ: parallaxis
esset graduum 10. scrup: 11. circa Horizontem.
Exhalationes verò ad tantum à terra interuallū
euehi, nullus demonstrat. Bodinus spaciū illud
13 milliarium ab Alhazeno Vitellione alijsque
conclusum non admittit, exhalationesq; altius
duobus tribusue milliaribus à terra subleuari nō
posse affirmat. Sed Vitellionis demonstratio fir-
ma est, neq; à Bodino conuelli potest. Hinc con-
sequitur, longo satis interuallo fulsisse Cometam
hunc supra eos limites, quos definiuerunt, Posido-
nius, Vitellio, Alhazen, alijq; Mathematici. Hic
iam dubitationes multæ occurrunt: An ex mate-
ria elementari Cometa accensus sit, constat enim
ultra terminos mutabilis aëris cum arsisse. An
verò exhalationes, ut potest subtiliores, altius spa-
cio definito per Posidonium, Vitellionem, ali-
osq; extrahi possint, ibiq; accendi? Ioannes Pe-
na Regius Professor in Academia Parisiensi, exi-
stimat

stimat aërem extendi usq; ad stellas fixas, Planetaſq; per eundem defæcatum ac purissimum mo-
tuſi, quem iam æthera nominamus. An ignis ali-
quis in sphæra sublunari ſit, iam olim Cardanus
dubitauit, imò & Copernicus, Tycho, Astrolo-
giæ lumina. Franciscus etiam Agilonius de igne
dubitat, libro i. Opticorum, propositione 30.
Omnium (inquit) maximè diaphanum eſt cælum, ſe-
cundo loco supernus ignis, ſi tamen aliquis ſit ſupra aëris
regionem conſtitutus. Ego meam demonstrationem



reponam. Sit Sol A, ſpeculum vitorum in ſu-
perficie terræ B, ſtupa C. Manifestum eſt per ex-
perientiam à radijs Solaribus à superficie ſpecu-
li B reflexis ſtupam C accendi. Ignis ſic accen-
sus, cuiusdem eſt ſpeciei & naturæ, cum eo quem
nos elementarem putamus. Pabulo indiget ad
ſui in alieno loco conſeruationem. Tendit ſur-
sum. Quis verò demonstrauit ignem tendere ad
ſublunarem ignem, non potiùs ad ſolare Sphæ-
ram? Miror Cardanum non uſum hac reflexio-
nis demonstratione. Ignis ergò iſte quo utimur,
cūm à Sole ſit, Solaris potiùs eſt quām elementa-
ris. Vel elementaris dicatur, cūm accenditur in-
ter hæc noſtra elementa, ad ſuum locum reuer-
ſus nomen hoc amittet. Quod ſi nullus eſt ſupra
aërem

strem ignis sublunaris, qua ratione Cometæ ibi accendentur? Vel si accendentur, cur coma cum in oppositam soli partem semper vergat, non ad terram porrigitur, sed per cælum extensa apparet? Cometæ accensi in sublunari regione, sume distantiam à Sole & terra, utramq; inter se compara, mox id demonstrabis. Orbium cælestium soliditatem expunxit iam Tycho grauibus argumentis. Quod si quis inquirat, qua ratione Sol, Luna, Planetæ ibi sustineantur, inquirat is idem, qua ratione, quibus fulcris & columnis terra in levissimo aere sustineatur. Attribuit singulis rebus natura suum locum, quem repugnante eadem natura, nullo modo deserent. Idem verò Tycho existimat Cometas in cælo accendi argumentis à Parallaxi desumptis ex obseruatione Cometarū. Demonstrationes cogentes habet, quales etiam circa istum Cometam habentur. Ex quo (nisi velimus ad miracula confugere) sequetur illud: Cælum non omnino ingenerabile & incorruptibile esse, ut Aristoteles probare conatus est, eumque secutæ passim omnes scholæ. Vnde enim tanta copia exhalationum terræ, ut vastum adeoq; remotum Cometæ corpus inde colligi posset? Quomodo generatio rerum ijs annis, quibus istæ exhalationes colligebantur, in superficie terræ non impediretur? An verò putandum est, ex visceribus terræ magnam exhalationum copiam tunc erupisse, cum mons motu terræ conuulsus, ac sedibus suis motus, vicum Plura anno proximè præterito operuit? Quid verò commemorem trac-

tiones

ctiones crebras autumno præterito ? quid autumni constitutionem sicciam ? quid æstus vehementes post extinctum Cometam ? An Cometa etiam in cælo accensus istos effectus producit , vt non nullæ Planetarum syzygiæ ? Quid demum commemorem eius motum tardiorem motu Lunæ ? Hæc aliaq; multa dum considero , in utramque partem , velut in biuio positus hæreo , dubius quæ via sit tenenda : ac vt verum fatear ad ἐποχὴν Academicorum confugio , assensumq; tantisper suspendo , donec demonstrationibus veritas eruat. Scio non per coniecturam , verum per demonstrationem altissimum Cometam fuisse supra vulgi opinionem . An Dei tantum , an vero Dei & naturæ quæ ciet hæc nostra elementa , opus sit , hæreo. Non dubito Viros doctissimos huic questioni apodicticè concludendæ intentos esse . Quam vellem nunc ad Astrologorum principem Ioannem Keplerum in Austriam excurrere , nisi mihi bella ciuilia , quibus ardet infelix Bohemia , eam felicitatem inuidissent ! Te vero appello doctissime Petre Crugere : Profer tuas meditationes , quas tibi multas Geometriæq; congruas esse non dubito . Tantum te detineat veterum authoritas , quantum ratio Geometriæ principijs confirmata permittet . Amicus Plato , amicus Socrates , magis tamen amica veritas . Aristoteles summus Philosophus , Galaxiam meteoron esse putauit . At posteri aliter demonstrarunt . Idem de Cometiis demonstrabitur . Persuadeat vero iste Cometa amplissimo vestræ ciuitatis Senatu , vt

quadrans ille quem mihi in vallo semiperfectum monstrasti, quamprimum perficiatur, tecumque nouis phœnomenis si quæ exorientur, intentus sit ad normam describendis.

Sed iam satis Astrophile, aliâs vberiùs colloquemur. Quæso autem, ne te moueat mea hæc in differendo libertas. Modestiam vbiq; seruatā vides. Si quid verè contra te conclusum est, tibi gratulare. In veritatis schola & vinci, & vincere pulchrum est. Vtraq; pars idem fert præmiū: veritatem nimirum, quā nil dulcius, nil preciosius. Libenter etiam tacuisse, nisi tuus Cometa visus esset prodijſſe ex Academia, cuius mihi ratio maior habenda fuit, quam familiaritatis. Ut itaq; omnes sciant Cometam tantum in Academia non virsum, hæc conscripsi. Neq; tu indignaberis, si Astrophilus es, si Academiæ bonum nomen amas. Mei quidem labores eò spectant, ut non tantum te Astrophile, verūm etiam quam plurimos alios excitem ad Arithmeticæ & Geometriæ studia, sine quibus Astrologia nullo modo exerceri potest. Hicq; iam meus aliquot annorum in Academia conatus est. Quantam verò is inuidiam mihi conciliarit, horribile est meminisse. In publicis scriptis, quibus homines audacia ebrij plausum apud imperitos quærunt, laceratus sum, omniq; prorsus Philosophiæ cognitione spoliatus. Cūmq; illi ne patriam quidem profitentur suam, ab ijs tamen appellatus sum QVI D A M H O M O. Ego vero (ut aliquid de me dicam) non sum OMNIS HOMO neq; N U L L U S per Dei

per Dei gratiam. Non duco etiam genus alto à
sanguine Teucri: sed neque illi ab Ioue summo,
Agricolæ sum filius, ac si vleriora repetas moli-
toris abnepos in municipio Archidiœcesis Gne-
snensis. Itaq; vt omnes agnoscant me meæ origi-
nis non esse immemorem, libenter me profiteor
clientem Illustrissimi & Reuerendissimi Domi-
ni L A V R E N T I I G E B I C K I , Archiepiscopi
Gnesnensis, Domini ac Mecænatis mei obseruan-
dissimi: cuius in me meaq; studia liberalitati, vt
aliquando ita vt par est respondere possim, vehe-
menter opto. Pater vir bonus, quem etiam præ-
ceptorem habui, cùm videret exigua mihi esse ab
agris præsidia literis primis domi excultum, Geo-
metriæq; nonnullis principijs, quæ ipse didicerat
ex libro Polonico Stanislai Grebsciij, nominatim
que ratione simplicissima per vimbras dimetiendi
instructum, primò ad scholas, deinde ad Acade-
miam me alegauit. Sciebat enim in Academia
non sanguini sed ingenio præmia dari. Itaq; ab
annis sedecim in Academia non ad hominum
opinionem, sed ad Logicam veritatem vanitati-
bus prædictionum abiectis, Geometriæ & Arith-
meticæ usum exquirens, Mathematica studia tra-
cto; decennio quidem mihi intus & Musis, dein-
de verò publicè: iamq; nunc ea medicinæ studijs
adiungo tantò libentiūs, quantò magis meos co-
natus summis viris placere animaduerto, & quan-
to certiore concipio spem, Astrologiam breui-
tutam à cōuicijs fore. Habemus ecce Illustriss: ac
Reuerendiss: D. MARTINVM SZYSZKOVVSKI,

Episco-

1949

Episcopum Crac. & Acad: Cancel: vigilantis
 sum, cuius autoritate omnes illæ calumniar
 tenebræ ab inuidis excitatæ, velut cælesti quad
 luce dispulsa sunt: Astrologiæq; honor, me eti
 tacente, vindicatus. Habemus Magnif: D. I A
 C O B V M I A N I D L O V I V M Rectorem & Pro
 cancellarium, cui istam Dissertationem dedica
 uimus, Academiæ dignitati modis omnibus cor
 sulentem. Ut enim alia multa omittam, quam
 moleste tulit, cum ei ostendissem Planetas Ioui
 ales à quibusdam in disputatione. atq; etiam in
 publicis concionibus nō philosophicè exceptos
 Hoc igitur arbitro, ac iudice Astrophile defend.
 si potes tuum Cometam, ego in alia Dissertatio
 ne de Planetis, quam sub manibus habeo, vel ac
 quiescam tuis argumentis si bona fuerint, vel e
 rursus examinabo. In ijs verò demonstra te Astro
 philum esse, quod quidem fiet, si Geometriæ &
 Arithmeticæ principijs conuenienter disputau
 ris. Platonis autoritate id iam olim præscri
 ptum habes, qui Astronomiæ istas alas esse do
 cuit, quiq; in Academiæ vestibulo epi
 gramma illud quod iam scis
 præfixit.



